

इवनिंग डोगरी न्यूज़ बुलेटिन

समे-18:15 Hrs

<><><><><><>

Headlines

- 1 पुंछ च इक सरकारी ईमारत दे छत पर लब्बे दे ग्रेनेड गी नकारा करियै बम गी नाकाम करने आहले दस्ते नै इक बड़्डी घटना गी टाली दिता।
- 2 अमले, सार्वजनिक शकैतें ते पेंशन सरबन्धी मंत्रालय नै जम्मू च रिटायरमेंट कोला पैहले आहली कौंसलिंग सरबन्धी 54मीं कार्यशाला दा सरिस्ता कीता।
- 3 प्रधानमंत्री नरेंद्र मोदी होरें औंदे मन की बात प्रोग्राम लेई थोए दे सुझाएं पर खुशी जाहिर कीती ऐ।
- 4 अमरनाथ यात्रियें दी सुरक्षा ते राक्खी गी पूरी चाल्ली यकीनी बनाने लेई रामबन च इक समर्पित अमरनाथ यात्रा कंट्रोल रूम कायम कीता गेआ ऐ।

<><><><><><>

Grenade

पुंछ जिले च इक सरकारी ईमारत दी छत पर इक ग्रेनेड पाया गेआ जिसी बम्ब नकारा करने आहले दस्ते आस्सेआ नकारा कीता गेआ। ग्रेनेड दे छत पर पाए जाने करी उत्थे रौहने आहले लोकें च डर-त्राह पैदा होई गेआ ते ओह घबराई गए। एह ग्रेनेड छत पर पेदा हा। बच्चें छत पर खेडदे होई इस ग्रेनेड गी दिक्खेआ ते एहदे बारै दस्सेया। पुलस मौके आहली थाहर पर पुज्जी गई। पुलस दल नै लाहके दी घेराबंदी करी लैती। एह ईमारत जिला अस्पताल दे नेड़े गै ऐ। बम्ब नकारा करने आले दस्ते गी सददेया गेआ जिन्ने ग्रेनेड गी नकारा बनाई दिता। पुलस गी शक ऐ जे कुसै

नै ग्रेनेड गी सुट्टेया पर ओह नेई फट्टेया। इस मामले च जांच कीती जा रदी ऐ। उत्थे रौहने आहले लोकें च इस घटना मगरा डर-त्राह पैदा होई गेआ ऐ। पुलसै लोकें गी आखेआ ऐ जे ओह सौहगे रौहन ते कुसै बी शुभे आली हरकत बारै सुरक्षा एजेंसिएं गी जानकारी देन।

<><><><><><>

Wordshop Dr. Jatinder Singh

पेंशनरें, कार्मिक ते जन शकैतें सरबंधी मंत्रालय आस्सेआ अज्ज जम्मू च रटैरमेंट कोला पैहले आले परामर्श सरबंधी 54मीं कार्यशाला दा सरिस्ता कीता गेआ। कार्यशाला च केंद्रीय राज्यमंत्री डा..

जतिंद्र सिंह होर बतौर मुख परौहने मौजूद हे। इस कार्यक्रम दा मकसद पिंशनी होने आले मलाजमें गी बक्ख-बक्ख फायदें ते पेंशन दी मंजूरी आली प्रक्रिया बारै जानकारी उपलब्ध करोआना हा। इस मौके पर पर DARPG दे सचिव वी. श्रीनिवास ते जम्मू-कश्मीर दे साबका मुख सचिव बी.आर शर्मा होर बी मौजूद हे। इस कार्यशाला दौरान रटैर होने आलें गी अनुभव अवार्ड स्कीम, जीवन प्रमाण पत्र, केंद्र सरकार दी सेहत स्कीम, पेंशनरें दे संगठित पोर्टल वगैरा बारै जानकार बनाना ऐ। इस मौके पर बोलदे होई जितेंद्र सिंह होरें आखेआ जे सरकार कर्मचारिएं दे कल्याण लेई बचनबद्ध ऐ। उनें आखेआ।

.....बाईट.....

<><><><><><>

Mann Ki Baat

प्रधानमंत्री नरेंद्र मोदी होरें मन की बात प्रोग्राम लेई हासिल होआ रदे सुझा ते विचारें पर खुशी जाहिर कीती ऐ। एह प्रोग्राम इसा म्हीने दी 28 तरीक गी प्रसारित कीता जाग। अपने इक सोशल मीडि पोस्ट च मोदी होरें आखेआ जे मन की बात प्रोग्राम आस्तै उनेंगी बड़े मते सुझा ते विचार

थहोआ करदे न। उनें आखेआ जे ओह एह दिक्खिए बड़े मते खुश न जे केईं सारे युवा समाज गी बेहतर बनाने लेईं कीते जा रदे सांझे जत्नें गी उजागर करा'रदे न ते इयैं नेह कम्मं च हिस्सा लै रदे न। प्रधानमंत्री होरें लोकें थवां अपील कीती ऐ जे ओह अपने सुझा My Gov, Namo App पर साझा करन जां फही टोल फ्री नंबर 1800117800 पर बी लोक अपने सनेह रिकार्ड कराईं सकदे न।

<><><><><><>

DC-Reasi

रियासी दे डिप्टी कमिशनर होरें कटड़ा दे होटल ते रेस्टोरेंट एसोसिएशन दे मिम्बरें कन्नै इक्क मीटिंग लाईं। इस मीटिंग च खास करियै उच्च श्रेणी दे पर्यटकें गी सेवा देने आहले होटलें दे मेम्बर शामिल हे। मीटिंग च एह फैसला लैता गेआ जे कटड़ा गी उत्तर भारत च ब्याह शादिएं गितै पसंद आहली थाहर यानि डेस्टीनेशन वेडिंग दे तौर पर कामय कीता जा। डिप्टी कमिशनर होरें श्री माता वैष्णो देवी श्राइन बोर्ड कटड़ा गी पर्यटकें ते श्रद्धालुएं गी सुविधा मुहैया कराने लेईं आखेआ।

आकाशवाणी कन्नै गल्ल करदे होईं उनें आखेआ जेबाईट.....

<><><><><><>

CBI-NEET

केंद्री जांच ब्यूरो नै नीट-यू.जी पेपर लीक मामले च रांची इंस्टीच्यूट ऑफ मेडिकल साइंसस दी इक छात्रा गी गिरफ्तार कीता ऐ। पुच्छ-पड़ताल मगरा रांची इंस्टीच्यूट ऑफ मेडिकल साइंसस दी 2023 बैच दी एम.बी.बी.एस दी छात्रा सुरभि कुमारी गी गिरफ्तार करी लैता गेआ। सीबीआई नै औदा मोबाइल, लैपटॉप ते होर दुइएं इलेक्ट्रानिक उपकरण जब्त करी लैते न। झारखंड दे रामगढ़ जिले दी राँहने आली सुरभि कुमारी नै कथित तौर पर पेपर लीक मामले दे दोषियें आस्तै नीट म्तेहान दे पेपर गी हल कीता।

<><><><><><>

JK-Police Advisory

जम्मू-कश्मीर पुलस नै प्रदेश दे डीजीपी आर.आर स्वैन होने दा दावा करने आहले जालसाज बारै थहोई दी रिपोर्ट मगरा कनूनी कार्रवाई शुरू कीती ऐ। एह जालसाज 8891979985 मोबाइल नंबर दा इस्तेमाल करा रदा ऐ ते अपने आपा गी पुलस महानिदेशक आर.आर स्वैन दस्सा रदा ऐ। जम्मू-कश्मीर पुलस नै आम लोकें ते कनून नाफिज करोआने आले अधिकारिं गी आखेआ ऐ जे ओह एहतियात बरतन ते अग्गे दी जांच होने तगर इस व्यक्ति कन्नै कुसै बी चाल्ली दी गल्लबात करने थवां बचन। इस्सै दौरान पुलस नै बी एह आग्रह कीता ऐ जे पुलस अधिकारी, सहकर्मी ते खासतौर पर आम लोक इस जालसाज कन्नै गल्लबात करने थवां बचन।

<><><><><><>

ते हुन बाकी दिं खबरें कन्नै नरेश शर्मा।

Ramban-Amarnath Yatra

श्री अमरनाथ जी दी यात्रा पर जाने आले श्रद्धालुं ते राश्ट्रीय जरनैली शिड़क पर कायम 36 लंगरें ते यात्री निवास चंद्रकोट दे आले दोआले गतिविधिं पर तक्क रखने आस्तै रामबन दे डिप्टी कमिशनर बशीर उल हक चौधरी हुंदे दफ्तरै च नियंत्रण कक्ष खडेरेआ गेआ ऐ। रामबन दे एडीसी वरुण जीत सिंह चाढ़क जेड़े अमरनाथ यात्रा दे प्रबंधन सरबंधी नोडल अफसर बी हैन, होरें आखेआ जे लंगर, यात्री निवास ते होरनें थाहरें पर सीसीटीवी कैमरे लाए गेदे न ते सिखलाई याफता कर्मचारिं आस्सेया निगरानी कीती जा'रदी ऐ।

....बाईट.....

<><><><><><>

Udhampur-Police

उधमपुर दी पुलस नै बड़ी मती मात्रा च नशीले पदार्थ दी तस्करी दी कोशश गी नाकाम करी दिता ऐ। पुलस नै चनैनी च जीरोमोड़ नाके पर 344 किलो कोला मते नशीले पदार्थ पोपी स्ट्रा जब्त करिये इक्क शख्स गी हिरासत च लेई लैता। मुण्डली पड़ताल च गड़्डी दे ड्राइवर दी पंछान हरप्रीत सिंह दे तौर पर कीती गई ऐ। एह पंजाब दे जस्ताना खुर्द डेरा बस्सी मल्ले दा रौहने आहला ऐ। इसा शख्स गी मौके पर गिरफ्तार करी लैता गेआ ते गड़्डी ते तस्करी करने दी कोशश कीते जाने आहले पदार्थ गी जब्त करी लैता गेआ। इस सरबंधा च एन.डी.पी.एस कनून तैहत चनैन पुलस स्टेशन च मामला दर्ज कीता गेआ ऐ ते मामले दी जांच कीती जा रदी ऐ।

<><><><><><>

Purple Revolution Udhampur

उधमपुर दे राईबाई आहले क्षेत्र च इक्क खरी तब्दीली आना तैय होई गेदा ऐ। राईबाई आहले मैहकमे नै रामनगर तहसील दे इनचा ग्रां च सौ कनाल जिमी पर लैवेंडर दे 5 लक्ख बूहटे लाए न। उधमपुर च लैवेंडर दी पैहली बारी खेती होई ऐ। एह लाहका इस खेती लेई मुआफक ऐ। एहदे कन्नै मुकामी करसाने गी दोह्रा फायदा होग। पैहला एहदे कन्नै करसाने दी आमदन च बाद्दा होग, दुआ एहदे कन्नै टोलो समेत फसले गी नुकसान पजाने आहले कीड़ें सवां बचाह हुंदा ऐ। डिप्टी कमिशनर सलोनी राय होंरें आकाशवाणी कन्नै गल्लबात करदे होई आखेआ जे।

.....बाईट.....

<><><><><><>

DDC-Poonch

पुंछ दे जिला विकास कमिशनर यासिन एम. चौधरी हुंदी अध्यक्षता च जिला सहकारिता विकास कमेटी दी इक्क मीटिंग लोआई गई। इस मीटिंग दौरान केई सार महत्वे आहले बिंदुएं पर

गल्लबात कीती गई। इस दौरान राईबाई सरबंधी प्राइमरी एग्रीकल्चर क्रेडिट सोसायटियों दा कम्प्यूटीकरण करने पर जोर दिता गेआ। इनें गैइयें दा मसकद .. सोसायटियों दी समर्थ ते सेवा सरिस्ते गी अज्जै कल्लै दे ंगै दा बनाने ते सुचारू करना ऐ। जिले दे सहायक विकास कमिशनर संदेश शर्मा होरें आकाशवाणी कन्नै गल्लबात करदे होई आखेआ जे।

.....बाईट.....

<><><><><><>

Air Chief Technology

वायु सेना दे उप प्रमुख एयर मार्शल अमर प्रीत सिंह होरें आखेआ ऐ जे रक्षा क्षेत्र ते युद्ध च टेक्नोलाजी दे विकास करी वायु सेना दियां जिम्मेदारियां बदी गेइयां न। एयर मार्शल सिंह होरें एयर एंड मिसाइल फिफेंस इंडिया सेमिनार ते प्रदर्शनी 2024 दे उद्घाटनी भाषण दौरान एह गल्ल आकखी। उनें आखेआ जे वायु सेना दे बददे महत्व गी दिक्खदे होई इसी हर इक महत्वपूर्ण तकनीकी विकास कन्नै जोड़ने दी लोड़ ऐ। संचार ते डेटा दे महत्व दा जिक्र करदे होई उनें आखेआ जे सेनाएं गी मजबूत ते बहु-स्तरीय सुरक्षा प्रणाली दी लोड़ ऐ। सिंह होरें इस क्षेत्र च भारत दे आत्मनिर्भर बनने पर जोर दिंदे होई आखेआ जे इस मामले च गुणवत्ता कन्नै समझौता नेई कीता जाना लोड़चदा।

<><><><><><>

Asia-Cup T-20 Cricket

महिलाएं दी एशिया कप टी-20 क्रिकेट टूर्नामेंट च अज्ज भारत दा मुकाबला पाकिस्तान कन्नै होग। एह मैच श्रीलंका दे दम्बुला च खेड़ोया जाग। टूर्नामेंट दे शुरूआती मुकाबले च अज्ज दपैहरी

गुप ए च संयुक्त अरब अमिरात ते नेपाल बश्कार मुकाबला शुरू होआ। संझा भारत-पाकिस्तान

बश्कार मुकाबला होग।

<><><><><><>